

Ապրի՛ր գոլ մեր ազգի համար.

Ջարդի՛ր միշտ գերթ, բողկ ու գազար,

ԹԱՄԱԴԱ.– Ջա՛ն, վարժապետ, ասա մի, է՛, շնորհքդ թափի,

ՀԻԻՐԵՐ.– Ա՛յ, ջան, ա՛յ ջան, ա՛յ ջան...

ԹԱՄԱԴԱ.– (Նուագի հետ) Բա՛ջ Նազար, գնում ենք: (Խմում է:)

ՆԱԶԱՐ.– Գնո՛ւմ ենք հայրիկ ջան, գնո՛ւմ ենք: (Խմում է:)

ՏԵՐՏԵՐ.– (Ձայնը մաքրում է եւ սկսում կերկերաձայն ինքնահնար եղանակ, որին ձայնակցում են դուդուկչիները եւ հիւրերը:)

Ի ոստանեն Նազարաշեն,

Ի ամրոցեն Պըղնձաշեն,

Ելաւ արեւ առիւծ Նազար:

Ե՛կ, արեգա՛կ մեր, ե՛կ,

Ե՛կ, անձկալիդ մեր, ե՛կ:

ՀԻԻՐԵՐ.– Ջա՛ն, տերտեր, չան: Օրհնուի՛ կարգդ:

ԱՌՈՅԳ ԾԵՐՈՒԿ.– Բա՛ջ Նազար, ջնջո՛ւմ ենք, (Խմում է:)

ՆԱԶԱՐ.– Ջնջո՛ւմ ենք, հայրիկ ջան, ջնջո՛ւմ ենք, (Խմում է:)

ԹԱՄԱԴԱ.– Խնամի Թաթոս, գնո՛ւմ ենք,

ԹԱԹՈՍ.– Գնո՛ւմ ենք,

ՀԻԻՐԵՐ.– Ա՛յ ջան, ա՛յ ջան, ա՛յ ջան:

Դուդուկը դադարում է:

ՎԱՐԺԱՊԵՏ.– Թասներդ լցրեք: Սուրբ կենաց պիտի առաջարկեմ: Խմենք մեր քաջակորովն Նազարի կենացը:

ԲՈԼՈՐԸ.– Բաջ Նազարի կենացը: Բա՛ջ Նազար, կենա՛ցդ: (Խմում են: Դուդուկչիները տաշ են ածում, ապա խորին լռութեան:)

ՆԱԶԱՐ.– (Ծանր ու հպարտ վեր կենալով տեղից) Շնորհակալ եմ իմ ժողովրդից (Խմում է ու նստում:)

ԹԱՄԱԴԱ.– Անո՛ւշ,

ԱՌՈՅԳ ԾԵՐՈՒԿ.– Ջանըդ անուշ:

ԲՈԼՈՐԸ.– Հրամանքդ անուշ:

ՆԱԶԱՐ.– Դո՛ւք անուշ:

ՏԵՐՏԵՐ.– Սրանից դենը տղա շատ ծնեցեք: Բոլորի անունը պիտի դնեմ Բաջ Նազար:

ՆԱԶԱՐ.– (Գլխով) Ըմ, հո՛ւմ-հո՛ւմ կուտեմ... Շո՛ւտ արեք,